



千金方

十七

七武
175
17



孫真人備急千金要方卷之四十六

宋朝奉郎守太常少卿充秘閣直學士孫思邈

脾臟方

脾臟論第一

論曰脾主意脾賦者意之舍意者存憶之志也為謀議之官
四臟之所受心有所憶謂之意意之所存謂之心心有所憶謂
謂之思思而後能慮慮而後能動動而後能言言者脾之官也
此口唇為脾之官何也脾主肉口唇為脾之官也脾主肉故
為口舌唇為脾之官也脾主肉故為口舌唇為脾之官也



門中武
第 175
卷 17

篤信堂

同治

孫真人備急千金要方卷之四十六

宋朝奉郎守太常少卿充秘閣校理林億等校正

脾臟方

脾臟脉論第一

論曰脾主意脾臟者意之舍意者存憶之志也為諫議大夫並
四臟之所受心有所憶謂之意意之所存謂之志因志而存變
謂之思因思而遠慕謂之慮因慮而處物謂之智意者脾之臟
也口脣者脾之官脾氣通於口口和則能別五穀味矣故云口
為戊舌脣為巳循環中宮上出頤頰次候於脣下迴脾中榮華
於舌外主肉內主味脾重二斤三兩扁廣三寸長五寸有散膏

篤信堂

篤信堂

半斤主裏血温五臟神名俾主臟營作秩祿號為意臟隨
 節應會故曰脾臟營營含意在氣為意在液為涎脾氣虛則四
 肢不用五臟不安實則腹脹溼澁不利脾氣虛則夢飲食不足
 得其時則夢築垣蓋屋脾氣盛則夢歌樂体重手足不舉厥氣
 客於脾則夢丘陵太澤壞屋風雨凡脾臟象土與胃合為腑其
 經足太陰與陽明為表裏其脉緩相於夏主於季夏脾者土也
 敦而福敦者厚也萬物衆色不同故名曰德福者廣萬物懸根
 住莖其葉在巔蛭蠕動蚊蠅喘息皆蒙土恩德則為緩恩則
 為遲故令太陰緩而遲尺寸不同酸鹹苦辛太妙而生五行其
 時而以各行皆不群行畫可常服土寒則温土熱則凉土有一

蟾音飲蟲行貌

蜚音飛之字

蠕音軟微動貌

蛟音奇蟲行貌

子名之曰金懷挾抱之不離其身金乃畏火恐熱來薰遂棄其
 母逃於水中水為金子而臟火神閉門塞戶內外不通此謂冬
 時土失其子其氣衰微水為洋溢浸漬其地走擊皮膚面目浮
 腫歸於四肢愚醫見水直往下之虛脾空胃水遂居之肺為喘
 浮肝反畏肺故下沉沒下有荆棘恐傷其身避在一邊以為水
 流心衰則伏肝微則沈故令脉伏而沉上醫遠一作占因轉孔
 穴利其澁便遂通水道其液下流停其陰陽喘息則微汗出正
 流肝著其根心氣因起陽行四肢肺氣亭亭喘息則安腎為安
 聲其味為鹹倚坐母敗朽莫如腥土得其子即成為山金得其
 母名曰丘矣

四時之序逆順之變異也然脾脉獨何主脾脉者土也孤藏以
灌四傍者也其善者不可得見惡者可見惡者何如其來如水
之流者此謂太過病在外如鳥之喙者此謂不及病在中太過
則令人四肢沉重不舉不及則令人九竅壅塞不通名曰重強
脾脉來而和柔相離如雞踐地曰平長夏以胃為本脾脉來實
而盈數如雞舉足曰脾病脾脉來堅銳如雞之喙雞作鳥如鳥之
距如屋之漏如水之流曰脾死
真脾脉至弱而乍疎乍散一作數色黃青不澤毛折乃死
長夏胃微濡弱曰平弱多胃少曰脾病但代無胃曰死濡弱有
石曰冬病石甚曰今病

脾臟營營舍意愁憂不解則傷意意傷則悶亂四肢不舉毛悴
色天死于春

足太陰氣絕則脉不營其口脣口脣者肌肉之本也脉弗營則
肌肉濡肌肉濡則人中滿人中滿則脣反脣反者肉先死甲篤
乙死木勝土也

脾死臟浮之入緩一作堅按之中如覆杯繫繫狀如搖者死六月
季夏建未也坤未之間土之位脾王之時其脉大阿阿而緩曰
平反得浮大而洪者是心之乘脾母之歸子為虛邪雖病易治
反得微瀦而短者是肺之乘脾子之乘母為實邪雖病自愈反
得弦而長者肝之乘脾木之剋土為賊邪太逆十死不治反

繫音協度也約束而
知大小也
阿倚也物體不
具謂之倚

陵音美，乘也，犯侮也，侵也。

得沉濡而滑者是腎之乘脾水之陵土為微邪雖病即瘥
右手關上陰絕者無脾脉也若少氣下利腹滿身重四肢不欲
動善歐刺足陽明治陽

右手關上陰實者脾實也若腸中伏伏如堅狀大便難刺足太
陰治陰

脾脉長長而弱來疎去概一作再至曰平三至曰離經病四至
脫精五至死六至命盡足太陰脉也

脾脉急甚為瘕瘕微急為膈中滿食飲入而還出後沃沫緩甚
為痿厥微緩為風痿四肢不用心慧然若無疾大甚為擊仆微
大為脾疝氣暴大膿血在腸胃之外小甚為寒熱微小為消痺

概音記稠密也
稠音酬多也衆也

滑甚為癩癢微滑為蟲毒蛇腸鳴執瀉甚為腸癩微瀉為內潰
多下膿血

脾脉搏堅而長其色黃病少氣其奕而散色不澤者當病足胛
腫若水狀

黃脉之至也大而虛有積氣在腹中有厥氣名曰厥疝女子同
法得之疾使四肢汗出當風

扁鵲曰脾有病則色痿黃實則舌本強直虛則多癢善吞注利
其實若陽氣壯則憂飲食之類

脾在聲為歌在變動為噫在志為思傷脾精氣拜於脾則飢
音在長夏病變於音者取之經恐懼而不解則傷精精傷則骨

瘦痿厥精時自下則病精是故五臟主藏精者也不可傷傷則
守失而陰虛虛則無氣無氣則死病先發於脾閉塞不通身痛
体重一日之胃而腹脹二日之腎少腹腰脊痛脛痠三日之膀
肱背脊筋痛小便閉十日不色死冬人定夏晏食

病在脾日昃慧平旦甚目中持下晡靜素問作日出甚王水假
云日中持者繆也令脾病東行若食雉兔肉及諸木果實得之不者當以春時發
得病以甲乙日也

凡脾病之狀必身重善飢足痿不收素問作善肌肉痿足不收
甲乙作苦飢肌肉痿足不收行善瘦脚下痛虛則腹滿腸鳴飧泄食不化取其經足大陰
陽明少陰血者

脾脉沉之而濡浮之而虛苦腹脹煩滿胃中有熱不嗜食食而不
化大便難四肢苦痺時不仁得之房內小使不來來而頻併
脾病其色黃飲食不消腹苦脹滿体重節痛大便不利其脉微
緩而長此為可治宜服平胃丸瀉脾丸茱萸丸附子湯春當刺
隱白冬刺陰陵泉皆瀉之夏刺大都季夏刺公孫秋刺商丘皆
補之又當灸章門五十壯背第十一椎百壯

邪在脾胃肌肉痛陽氣有餘陰氣不足則熱中善飢陽氣不足
陰氣有餘則寒中腸鳴腹痛陰陽俱有餘若俱不足則有寒有
熱皆調其三里
有所擊仆若醉飽入房汗出當風則傷脾脾傷則中氣陰陽離

別陽不從陰故以三分候死生

脾中風者翕翕發熱形如醉人腹中煩重皮肉爛爛而短氣也脾中寒

脾水者其人腹大四肢若重津液不生但苦水氣小便難脾脹者善噦四肢急一作體重不能衣一作故

跌陽脉浮而澀浮則胃氣強澀則小便數浮澀相搏木便則堅其脾為約脾約者其人大便堅小便利而反不渴

脾氣弱病利下白腸垢木便堅不能更衣汗出不止名曰脾氣弱或五液注下青黃赤白黑

寸口脉弦而滑弦則為痛滑則為實痛即為急實即為踊痛踊

搏即胃腸搶急

跌陽脉浮而澀浮即胃氣微澀即脾氣衰微衰相搏即呼吸不得此為脾家失度

寸口脉雙緊即為入其氣不出無表有裏心下痞堅

跌陽脉微而澀微即無胃氣澀則傷脾寒在於膈而反下之寒積不消胃微脾傷穀氣不行食已自噎寒在胃膈上虛下實穀氣不通為閉塞之病

寸口脉緩而遲緩則為陽衛氣長遲則為陰榮氣促一云榮衛不足榮衛俱和剛柔相得三焦相承其氣必強

跌陽脉滑而緊滑即胃氣實緊即脾氣傷得食而不消者此脾

不治也能食而腹不滿此為胃氣有餘腹滿而不能食心下如
 飢此為胃氣不行心氣虛也得食而滿者此為脾家不治病人
 鼻下平者胃病也微赤者病發癰微黑者有熱青者有寒白者
 不治唇黑者胃先病微燥而渴者可治不渴者不可治臍反出
 者此為脾先落先終云

凡人病脉已解而反暮微煩者人見病者差安而強與穀脾胃
 氣尚弱不能消穀故令微煩損穀則愈

診得脾積脉浮大而長饑則減飽則見臍氣與穀爭減心下累
 累如桃李起見於外腹滿嘔泄腸鳴四肢重足脛腫厥不能卧
 是主肌肉損色黃也

脾之積名曰痞氣在胃脘覆大如盤久久不愈病四肢不收黃
 瘰食飲不為肌膚以冬壬癸日得之肝病傳脾脾當傳腎腎適
 以冬主者不受邪脾復欲還肝肝不肯受因留結為積故知
 痞氣以冬得之

脾病其色黃体青失洩直視脣反張爪甲青飲食吐逆体重節
 痛四肢不舉其脉當浮大而緩今反弦急其色當黃而反青者
 此是木之剋土為木逆十死不治

宮音人者主脾聲也脾聲歌其音鼓其志愁其經足太陰厥逆
 陽明則榮衛不通陰陽翻作陽氣內擊陰氣外傷傷則寒寒則
 虛虛則舉体消瘦語音沉澀如破鼓之聲舌強不轉而好咽唾

口噤脣黑四肢不舉身重如山使利無度甚者不可治依源麻黃湯主之方在別卷中又言聲憂懼舌本卷縮此是木剋土陽擊陰陰氣伏陽氣起起則實實則熱熱則悶亂體重不能轉側語聲拖聲氣深不轉而心急此為邪熱傷脾甚則不可治若脣雖萎黃語音若轉可治

脾病為瘡者令人寒腹中痛熱則腸中鳴鳴已汗出恒山丸主之方在別卷中若其人本來少於噴怒而忽反常噴怒無度正言而鼻笑不答於人此脾病聲之候也不盈旬月禍必至矣陰陽之疾經絡之源究尋其病取其所理然後行治萬無遺一也黃為脾脾合肉黃如鮐腹者言脾主口脣脣是脾之餘其人士

形相比於上宮黃色木頭圓面美肩背大腹好股脰小手足多肉上下相稱行安地舉足心平好利人不喜權勢喜附人耐秋冬不耐春夏春夏感而生病主足太陰敦敦然脾應月月有虧盈脾小大隨人脣大小上脣厚下脣薄無脣斷脣缺破此人脾不正揭聳脣者則脾高高則實實則熱熱則季脇痛滿脣垂而大不堅者則脾下下則虛虛則危危則寒寒則身重不能行步脣堅者則脾堅堅則臟安安則不病脣上下好者則脾端正端正則脾胃和利人無病脣偏舉者則脾偏痛好脹凡人分部中陷起者必有病生胃陽明為脾之部而藏氣通於内外部亦隨而應之沉濁為內浮清為外若表病外入所部則起起則前瀉

陽後補陰若裏病內出所部則陷陷則前治陰後治陽陽則實
熱陰則虛寒寒主外熱主內凡人死生休否則藏神前變形于
外人脾前病脣則焦枯無潤若脾前死脣則乾青白漸縮急齒
禁不開若天中等分墓色應之必死不治看色厚薄決判賒促
賒則不盈四百日內促則旬朔之間脾病必愈而卒死何以知
之曰青黑如拊指鷹點見頰頰上此必卒死脾絕十二日死何
以知之口冷足腫腹熱臙脹泄利不覺其出時一日死五日面青目
黃者五日死病人著牀心痛氣短脾竭內傷百日復愈欲起傍
徨因坐於地其亡倚牀能治此者可謂神良又面黃目赤不死
黃如枳實死吉凶之色在於分部霏霏而見黑黃入脣必病不

出其年

其穴在鼻上當兩
眼是其分部位也

若年上不應三年之內禍必應也季

夏土脾脉色黃主足太陰脉也其脉本在中封前上四寸之中
應在背膂與舌本中封在內踝前一寸大筋裏宛宛中脉本從
中封上四寸是也其脉根于隱白隱白在足大指端內側是也
其筋起于足大指之端內側上結於內踝其直者上結於膝內
輔骨上循陰股結於髀聚於陰器上腹結於臍循腹裏結於脇
散於胃中其內者著於脊

其脉起于足大指之端循指內側白肉際過核骨後上內踝前
廉上膂內循胛骨後交出厥陰之前上循膝股內前廉入腹屬
脾絡胃上膈注心中合足陽明為表裏陽明之本在厲兌足趺

按黃內之內下文作肉

上大指間上三寸骨解中也同會于手太陰
其手太陰之別名曰公孫去本節後一寸別走陽明其別者入
絡腸胃主脾生病實則胃熱熱則腹中切痛痛則陽病陽脈反
大於寸口三倍病則舌強筋轉卵縮牽陰股引髀痛腹脹身重
食飲不下煩心心下急注脾脾病虛則胃寒寒則腹中鼓脹脹
則陰病陰脈反小於寸口一倍病則泄水不能卧而煩強立股
膝內痛苦筋折紐之紐之者脈時綴綴動也發動甚者死必活
四季之月各餘十八日此為四季之餘自主脾胃黃肉隨病也
一作內其源從大陰陽明相格節氣相移三焦寒濕不調四時
陽病關格而起則臟腑傷疴隨時受蘊陽氣外泄陰氣內伏其病相

按友恐及字訪

友若腑虛則陰邪所加頭重頸直皮肉強痺若臟實則陽疫所
傷蘊而結核起於喉頸之側布毒熱於皮膚分肉之上中散入
髮際下貫顛顛隱隱而熱不相斷離故曰黃肉隨病也
扁鵲曰炎肝脾二腑主治丹毒四時隨病當依源補瀉虛實之
病皮肉隨熱則須鑱破薄貼方呪促治疾無逃矣

孫真人備急千金要方卷之四十六

孫真人備急千金要方卷之四十七

脾臟方

脾虛實第二 論一首 脉四條 方二十三 灸法一首

脾實熱

右手關上脉陰實者足太陰經也病苦足寒脛熱腹脹滿煩擾不得臥名曰脾實熱也

瀉熱湯治本強直或憂歌樂而體重不能行方

前胡 茯苓 龍膽 細辛 磁硝各三兩

杏仁四兩 玄參 大青各二兩 苦竹葉切一升

右九味咬咀以水九升煮取三升分三服食後服

射干煎方主治同前 射干八兩 大青三兩 石膏作升 赤蜜一升

右四味以水五升煮取一升五合，滓下蜜煎取二分，分三服。
治脾熱面黃目赤季脇痛滿方

半夏 母薑各八

枳實 梔子 茯苓

砒硝各三

細辛 兩五

白木 杏仁各四

生地黄

淡竹葉各切

右十一味以水九升煮取三升，去滓下砒硝分三服。

治脾橫方

若赤黑發如瓜，犬煎羊脂摩之。

又方末赤小豆和雞子白傅之。

四肢寒熱腰疼不得俛仰，身黃腹滿，食嘔舌根直，灸第十一椎，上及左右各一寸五分，三處各七壯。

脾胃俱實

右手關上脉陰陽俱實者，足太陰與陽明經俱實也。病苦脾脹，腹堅搶下，痛胃氣不轉，大便難，時反泄利，腹中痛，上衝肺，肝動五臟，立喘鳴多，驚身熱，汗不出，喉痺，精少，名曰脾胃俱實也。
瀉熱方

大黃

麻黃

黃芩各四

杏仁 赤茯苓

甘草

橘皮

砒硝

澤瀉各三

右九味以水九升煮取三升，絞去滓，內大黃煮兩沸，去滓下芒消分三服。

大黃瀉熱湯治脾脉厥逆，大腹中熱，切痛，舌強，腹脹，身重，不下，心注脾急痛方。

千金方

卷四十七

二

三百一

大黃細切水一升 甘草各三兩 澤瀉 茯苓

黃芩 細辛 芒硝各二兩 橘皮二兩

右八味以水七升煮取三升三合去滓下大黃更煎兩沸去滓下芒硝分三服

治脾熱脇痛熱滿不歇目赤不止口唇乾裂方

石膏一斤 生地黄汁 赤蜜各一升 淡竹葉切五升

右四味先以水一斗二升煮竹葉取七升去滓澄清石膏取

一升五合去滓下地黄汁兩沸次下蜜煎取三升細細服之

治脾熱偏一邊痛胃滿脇偏脹方

茯苓 橘皮 澤瀉各三兩 芍藥

白朮各四兩 人參 桂心各一兩 石膏八兩

白朮各四兩 半夏六兩 生薑切一升 桑根白皮各一升

右十一味以水一斗二升煮取三升去滓分二服若瀉利下加砒硝二兩佳

脾虛冷

右手關上脉陰虛者足太陰經也病苦泄注腹滿氣逆霍亂嘔

吐黃痺心煩不得卧腸鳴名曰脾虛冷也

治虛脹脇痛肩息有時發作悉補之方

五加根皮 丹參 橘皮各一斤 地骨皮 乾薑 白朮各八兩 乾地黄 芎藭 附子各五兩 猪椒根皮一斤

桂心 桔梗各四兩 大棗五十枚 甘草三兩
右十四味以酒四斗漬五日服七八合加至一升日再服

檳榔散治脾寒飲食不消勞倦氣脹噫滿憂恚不樂方

檳榔八枚皮子並用 人參 茯苓 陳麴

厚朴 麥蘖 吳茱萸 白朮各二兩

右八味治下篩食後酒服二方寸七日再一方用橘皮一兩半

溫脾圓治久病虛羸脾氣弱食不消喜噫方

黃蘗 大麥蘖 吳茱萸 桂心

白朮乾薑細辛 附子 當歸

大黃和父 麴木一升 黃連各一升

右十一味為末蜜丸如梧子每服十五丸空腹酒服日三

麻豆散主脾氣弱不下食餌此以當食方

大豆黃二升 大麻子三升熬

右二味治下篩飲和服一合日四五任情多少

脾胃俱虛

右手關上脉陰陽俱虛者足太陰與陽明經俱虛也病苦胃中如空狀少氣不足以息四逆寒泄注不已名曰脾胃俱虛也治腹脹善噫食則欲嘔泄澀澹下口乾四肢重好怒不欲聞人

聲忘誤喉痺補之方

黃連兩一

禹餘糧兩二

白朮

乾薑各三兩

大麻子兩五

桑白皮兩八

大棗二十枚

右七味以水一斗二升煮取三升分四服

治脾胃俱虛苦饑寒痛方

人參

當歸

桂心

茯苓

桔梗

芎藭各三兩

厚朴

甘草

橘皮

吳茱萸各二兩

白朮五兩

麥蘗一升

右十二味以水一斗二升煮取三升分三服

白朮散治脾胃俱虛冷方

白朮

厚朴

人參

吳茱萸

茯苓

麥蘗

麵

芎藭各三兩

右八味篩酒服方寸匕食後服日三下方加大腹橘皮

平胃圓凡身重不得食食無味心下虛滿時時欲下喜卧者皆

針胃腕太倉服建中湯及服此方建中湯方見別卷

杏仁五十枚

丹參三兩

苦參

葶藶

玄參各二兩

芎藭

桂心各一兩

右七味為末蜜丸如梧子酒服五丸日三以知為度

又方治丈夫小兒食實不消胃氣不調或溫壯熱結大小便不

利者有病冷者服露宿丸熱藥後當進此丸調胃方平胃丸也

大黃二兩 小草 甘草 芍藥

芎藭 葶藶 杏仁五十枚

右七味為末蜜丸飲服如梧子五九日三二歲小兒二九漸

加之千金翼有芎藭蒲當歸乾薑茯苓麥門冬細辛為十三味無杏仁

論曰凡病宿食在上脘當吐之脉數而滑者實也有宿食不消下之愈胃中有澀食冷物即痛不能食有熱物即欲食大腹有宿食寒慄發熱如瘧狀宿食在小腹者當暮發熱明日復止寸脉緊即頭痛風寒或腹中宿食不化寸口脉浮而大按之反澀尺中微而無常脾胃中有宿食不消寸口脉浮而大按之反澀尺中微而澀故知宿食

大麴蘖丸主消穀斷下溫和又寒冷者長服不患霍亂方

大麥蘖 麴各一升 附子 乾薑 當歸

人參各三兩 赤石脂一兩 桔梗 女萎各二兩 吳茱萸

皂莢各五兩 蜀椒二兩 烏梅五十枚

右十三味為末蜜酢中半漬梅一宿蒸三斗米下去核搗如泥和藥蜜和搗二千杵服十九日三下甚者加龍骨阿膠各三兩

消食斷下圓寒冷者常服之方

麴 大麥蘖 吳茱萸

右三味為末蜜和服十五丸如梧子大日三

乾薑散治不能食心意冥然忘食方

乾薑 法麴 蜀椒 豉 大麥蘖各一升

右五味合治下篩食後服三方寸七日三以能食為度
消食丸治數手不能食方

小麥蘖 麴各一升 乾薑 烏梅各四兩

右四味為末蜜和服十五丸日再加至四十九丸寒在胃中及
反胃翻心者皆瘥

麴蘖散主消穀能食除腸中水氣臘脹方

法麴 麥蘖 杏仁各五兩

右三味治下篩食後酒服合日三

脾勞第三論實方二首

論曰凡脾勞病者補肺氣以益之肺旺則感於脾是以聖人春
夏養陽氣秋冬養陰氣以順其根本矣肝心為陽脾肺腎為陰
逆其根則伐其本陰陽四時者萬物之終始也

半夏湯治脾勞實四肢不用五臟乖反脹滿肩息氣急不安承
氣泄實熱方

半夏 宿薑各八兩 茯苓 白朮 杏仁各三兩

大棗二十枚 竹葉切一升 橘皮 芍藥各四兩

右九味改咀以水一斗煮取三升分四服
消食膏酒治脾虛寒勞損氣脹噫滿食不下通噎方

豬膏三升

宿薑

吳茱萸

白朮

右四味搗碎茱萸白朮等二味細細下篩為散內薑汁膏中煎取六升溫清酒一升進方寸七日再

肉極第四論一方六

論曰凡肉極者主脾也脾應肉肉與脾合若脾病則肉變色又曰至陰遇病為肌痺肌痺不已復感於邪內合於脾體癢淫淫如鼠走其人身津液脫膝理開汗大泄鼻端色黃是其相也凡風氣藏於皮膚肉色則敗以季夏戊巳日傷於風為脾風脾風之狀多汗陰動傷寒則虛虛則體重怠惰四肢不欲舉不嗜飲食則效效則右脇下痛陰陰引肩背不可以動轉名曰

厲風裏虛外實若陽動傷熱熱則實實則人身上如鼠走唇口壞皮膚色變身體津液脫膝理開汗大泄名曰惡風而須決其綱紀知其終始陰陽動靜肉之虛實實則瀉之虛則補之能治其病者風始入肉皮毛肌膚筋脈之間即須決之若入六腑五臟則半死矣

扁鵲曰肉絕不治五日死何以知之皮膚不通外不得泄凡肉應足太陰太陰氣絕則脈不營其肌肉口唇者肌肉之本也脈肉濡肌肉濡則人中滿人中滿則唇反使良醫妙藥終不治也唇反氣盡則肉先死甲篤乙死木勝土也治肉執極肌痺淫淫如鼠走身上津液脫膝理開汗大泄為脾風風氣藏於皮膚肉色敗鼻見黃色麻黃止汗通肉

解風痺湯方

麻黃

防已一作防風枳實

細辛

白木各三兩

生薑

附子各四兩甘草

桂心各二兩石膏八兩

右十味咬咀以水九升煮麻黃去沫下諸藥煮取三升分三服

西州續命湯治肉極虛熱肌膚淫淫如鼠走身上津液開泄或痺不仁四肢急痛方

麻黃

生薑各三兩

當歸

石膏各二兩

芎藭

桂心

甘草

黃芩

防風

芍藥各一兩

杏仁四十枚

右十一味咬咀以水九升先煮麻黃除沫下諸藥煮取三升去滓分四服日再

越婢湯治肉極熱則身體津液脫膝理開汗大泄厲風氣下焦脚弱方見別卷

石南散治肉極熱則體上如鼠走或如風痺唇口壞皮膚色變主諸風木病方

石南三十銖

薯蕷

芍藥一本作甘草天雄

桃花一作桃人

甘菊花各一兩

黃耆十八銖

山茱萸一兩十銖

真珠十八銖

石膏二兩

升麻

萎蕤各一兩半

右十二味治下篩酒下方寸七日再食後服

大黃者酒治肉極虛寒為痺風陰動傷寒體重怠惰四肢不欲舉關節疼痛不嗜飲食虛極所致方

黃耆 桂心 巴戟天 石斛 栝子仁

澤瀉 茯苓 乾薑 蜀椒各三兩 防風

獨活 人參各二兩 天雄 芍藥 附子

烏頭 茵芋 半夏 細辛 括萎根

白朮 黃芩 山茱萸各一兩

右二十三味咬咀絹袋貯以清酒三斗漬之秋冬七日春夏

三月初服三合漸漸加微痺為度且再

治肉極虛寒卒中風口噤不能言四肢緩縱偏攣急痛注五臟

恍惚喜怒無常手脚不隨方

獨活 茵芋 黃芩各三兩 甘草

防風 芍藥 芎藭 麻黃

葛根各三兩 人參一兩 烏頭三枚

右十一味咬咀以水一斗竹瀝四升合煮取四升分四服日三夜

孫真人備急千金要方卷之四十七

半夏

宿薑各八兩

杏仁五兩

細辛

橘皮各四兩

麻黃一兩

石膏七兩

射干二兩

右八味以水九升煮取三升分三服須利下加芒消三兩

閉澁第六論方

論曰有人因時疾瘥後得閉塞不通遂致大命不可輕之所
以備述雖非死病凡人不明藥餌者拱手待斃深可痛哉單服
諸方以虞倉卒耳凡大便不通皆用滑膩之物及冷水並通也
凡候面黃者即知大便難
麻子人圓跌陽脉浮而澁浮則胃氣強澁則小便數浮澁相搏
大便則堅其脾為約脾約者其人太便秘堅小便利而不渴也

麻子仁二升

枳實

芍藥各八兩

杏仁一升

大黃

厚朴各一斤

右六味為末蜜丸如梧子飲服五九日三漸加至十九外臺

無杏人

治關格大便不通方

砒硝

烏梅

桑白皮各五兩

芍藥

杏仁各四兩

麻仁三兩

大黃八兩

右七味以水七升煮取三升分三服一本無烏梅加枳

實乾地黃各二兩

治大便閉塞不通神方

猪羊膽無擇以筒灌三合許令深入即出矣出不盡更
更灌一方加冬葵子汁和之亦妙又椒豉湯五升和猪膏
三合灌之佳臨時易可得即用之又煎蜜成煎如入指大
深內穀道佳又無灰濃酒半斤鹽三錢七鍊成如上法
三黃湯治下焦熱結不得大便方

大黃_{三兩} 黃芩_{二兩} 梔子_{二十枚} 甘草_{一兩}

右四味以水五升煮取一升八合分三服若大閉加芒
硝二兩

五柔丸治閉澀及虛損不足飲食不生肌膚三焦不調和榮衛
利腑臟補三焦方

大黃_{一升蒸三斗米下} 前胡_{二兩} 半夏 茯苓

芍藥 茯苓 當歸 葶藶 細辛_{各一兩}

右九味為末蜜和合搗萬杵為丸梧子大食後服十五丸後
稍增之日再_{崔氏云令人喜飯消穀益氣有憂者加松實半}
_兩 兩菴藺半兩服之緩中不如意便服之又有黃

大五柔圓主臟氣不調大便難通和榮衛利九竅消穀益氣方

大黃 芍藥 枳實 茯苓 葶藶

甘草 黃芩 牛膝_{各二兩} 桃仁_{一百枚} 杏仁_{四十枚}

右十味為末蜜和丸如梧子一服三丸日三加至九酒下
濡臍湯主大便不通六七日腹中有燥屎寒熱煩迫短氣汗出

脹滿方

生葛根

猪膏各二升

大黃一兩

右三味咬咀以水七升煮取五升去滓內膏煎取三升澄清
強人頓服羸人再服亦治大小便不通

治大便不通方

大戟一斤

大豆五升

商陸

牛膝

右四味咬咀以水五升煮取二升以大豆五升煎令汁盡至
豆乾初服三枚以通為度

又方蜜和胡鷲屎內木孔中即通

又方水四兩蜜一升合煮熟冷灌下部中食頃即通

又方鹽半合蜜三合合煎如饒出之著冷水中充如櫛榔形如
指許大深內下部中立通治大便難方

單用豉清醬清羊酪土瓜根汁灌之立通

又方以醬清漬烏梅灌下部中立通

又方

桑根白皮

榆根白皮各一把

右二味咬咀以水三升煮取一升半分三服

又方桃皮三升水五升煮取一升頓服

又方水一升煮羊蹄根一把取半斤頓服

又方常煮麻子取汁飲

又方常服蜜煎五合

又方猪脂和陳葵子末為丸如梧子每服十九丸通即止

又方水服桃花方寸匕無桃花白皮亦得

又方常服車前子及葉並良

又方搗葵根汁生服

又方好膠寸三葱白把一

右二味以水四升煮取一升半頓服之即下

又方葵子升二牛酥各一升猪脂用亦得

右二味以水四升煮葵子取一升內酥煮一沸待冷分作二服

又方葵子汁和乳汁等分服之立出

又方醬清升二麻油升二葱白寸三

右三味合煮令黑去滓待冷頓服之一方不用醬清

芒消丸治脹滿不通方

芒硝各一兩芍藥各一兩杏仁各一兩大黃各二兩黃芩一兩

右五味為末蜜丸如梧子飲服十五丸加至二十九丸取通利

為度日三

又方通草各四兩朴消各四兩郁李仁各六兩黃芩

瞿麥各三兩車前子五合一方六兩

右六味以水八升煮取二升半分三服一方用絹袋盛

煮頓服二升

又方獨頭蒜燒熟去皮綿裹內下部中氣立通又削薑以鹽導之及乾薑鹽杏仁搗丸導之並佳治脹滿閉不下方

吳茱萸升乾薑

大黃

當歸

桂心

芍藥

甘草

芎藭各二兩

人參

細辛各一兩

桃白皮把一兩

真珠兩半

雄黃十八銖

右十三味咬咀以水一斗煮取三升去滓內雄黃真珠末酒一升微火煮三沸服一升得下即止

走馬湯主一切卒中惡心痛腹脹大便不通方見心腹痛篇

巴豆丸主寒癖宿食久飲飽不消大閉不通方

巴豆人一升清酒五升煮三日三反碎大熟合酒微火煎

合可丸如胡豆欲取吐下者服二丸

練中丸主宿食不消大便難方肘後名承氣丸

大黃兩八

葶藶

杏仁

砒硝各四兩

右四味為末蜜丸如梧子大食後服七丸日三後稍加

灸法

大便難灸第七椎兩傍各一寸七壯

又灸承筋二穴各三壯

壯在臍中央陷內

大便不通灸俠玉泉相去各二寸名曰腸遺隨年壯寸半

千金方 卷四十一 二百十五

又灸大敦四壯在足大指聚毛中
大便閉塞氣結心堅蒲灸石門百壯
後閉不通灸足大都隨年壯

治老人小兒大便失禁灸兩腳大指去節一寸三壯

又灸

大指奇間各三壯
治大小便不通方

葵子升一 青竹葉把一

右二味以水二升煮五沸頓服

又方葵子升一 榆皮切一

右二味以水五升煮取二升分三服

又方葵子一升以水三升煮取二升去滓內猪脂一升空心分

二服

又方甌帶煮取汁和蒲黃方寸七日二服

又方猪脂一斤以水二升煮三沸飲汁立通

治大小便不利方

葵子升二 硝石兩二

右二味以水五升煮取二升分二服

治小兒大小便不通方

搗白花胡葵子末煮汁服之

又方末雞屎白服一錢七

灸法

大小便不利欲作腹痛灸榮衛四穴百壯穴在背脊四面各一寸

腹熱閉時大小便難腰痛連脊灸團岡百壯穴在小腸腑下二寸橫三間寸灸之

大小便不通灸臍下一寸三壯又灸橫文百壯大小便不利灸八竅遠音在腰目下三寸俠脊相去四寸

兩邊各四穴計八穴故名八竅音小兒大小便不通灸口兩吻各一壯

小便不利大便數注灸屈骨端五十壯我內能韻一代望少谷

小便不利大便注泄灸天樞百壯穴在俠臍相去三寸魂魄之舍不可針大法在臍傍一寸合臍相去三寸也

孫真人備急千金要方卷之四十八

千金方

卷四十八

五十六

會不長... 論曰... 脈證... 灸法... 脾臟方

孫真人備急千金要方卷之四十九

熱痢第七 論一首 方二十六首 脈證二十四條 灸法十首

論曰余立身以來三遭熱痢一經冷痢皆日夜百餘行乃至移
 牀就廁其困篤如此但率意自治者尋手皆愈乃知此疾天下
 易治但中性之徒率情驕倨良藥苦口不能克已早餌朝遇暮
 過望其自瘥疾勢日增胃氣漸弱心力俱微食飲與藥皆不能
 進既不時愈便稱痢病難治斯皆自誤也學者須深達斯旨然
 此病隨宜服一物皆使得瘥惟須力意苦已服食以瘥為限則
 無不愈也又大須慎口味重者後百日次者一月日所以常哀
 驕恣者不能自慎興言於此以為至慨矣古今痢方千萬首不

可具載此中但撮其效者七八而已雖然弘之在人何則陟
醫丸烏梅丸松皮散等暴痢服之何有不瘥其溫脾湯建脾丸
方出下久下得之焉能不愈大凡痢有四種謂冷熱痢蠱冷則
冷痢篇白熱則赤痢則赤白相雜無復節度多睡眼澀蠱則純痢瘀血
熱則多益黃連去其乾薑冷則加以熱藥痢則以藥吹灌下部
蠱毒則以蠱法治之藥既主對相當痢者復自勉勵服餌焉有
不愈者也凡服止痢藥初服皆劇惡人不解即止其藥不服此
特不可但使藥與病源的相主對雖劇但服不過再三服漸漸
自知惟非其主對者本勿服也
凡痢病患忌生冷酢滑猪雞魚油乳酪酥乾脯醬粉鹹所食諸

食皆須大熟爛為佳亦不得傷飽此將息之大經也若將息失
所聖人不救也

下利脈滑而數有宿食當下之

下利脈遲而滑者實也利為未止急下之

下利脈反滑當有所去下乃愈

下利不欲食者有宿食當下之

下利而腹痛滿為寒實當下之

下利腹中堅者當下之

下利而譏語者腹內有燥屎宜下之

下利二部皆平一作按其心下堅者急下之

下利已瘥至其年月日時復發者此為下不盡更下之愈風寒重者不可下下之後心下堅痛脈遲一作此為寒但當溫之脈沉緊下之亦然脈大浮弦下之當已下利脈浮大此為虛以強溫之故也設脈浮革者因兩腸鳴當溫之

下痢脈遲緊為痛未欲止當溫之得冷者滿而便腸垢

下痢身軀疼痛急救裏諸溫之屬可與理中四逆附子湯熱藥急投之美

下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脈反浮數尺中自瀉其人必清膿血

下利脈數而渴者今自愈設不瘥必清膿血有熱故也

下利脈沉弦者下重其脈大者為未止脈微弱數者為欲自止

雖發熱不死

下利脈沉而遲其人面少赤身有微熱

下利清穀必鬱冒汗出而解病人必微厥所以然者面戴陽下

虛故也

下利有微熱而渴脈弱者今自愈

下利脈數有微熱汗出今自愈設脈緊為未解

下利脉反弦發熱身汗者自愈

下利脉大浮弦下當

下利舌黃燥而不渴胃中實下不止者死

下利後脉絕手足厥冷時脉還手足温者生不還不温者死

生死之决此之謂也

下利手足厥冷無脉者灸之不温若脉不還反微喘者死少陰

負跌陽者為順

凡六腑氣絕於外者手足寒上氣脚縮五臟氣絕於内者下不

自禁下甚者手足不仁也細尋取之萬不失一下病體略例如

此耳

素問曰春傷於風夏為膿血凡下多滯下也夏傷於風秋必洞泄秋多下水也患是冷也夫積冷積熱及水穀實而下者以大黃湯下之強人勿過兩劑皆消息五六日更進一劑其補瀉湯不效者三兩日可進一劑

陟釐丸治百病下利及傷寒身熱頭痛目赤四肢煩疼不解協熱下利或醫已吐下之腹内虚煩欲得冷飲飲不能消腹中急痛温食則吐作熱作冷狀如温瘧或小便不利氣滿嘔逆下痢不止方

水中陟釐 五兩 紫石英 三兩 漢中木防已 六兩

厚朴 一兩 隴西當歸 四兩 黃蓮 二兩

上好豉 三升 三歲醇苦酒 五分

右八味皆取真新者以苦酒二升漬防已極令潤出之留苦酒置以利刀切防已厚令二分使厚薄悉等以板瓦覆著炭火上以厚紙藉瓦上布成切防已著紙上訖從頭依次反覆而復始令色槁燥復漬向餘苦酒中更出著瓦上熬之如此盡苦酒止勿令火猛徐徐熬令極燥各擣下篩畢都合擣于杵以餘三升苦酒漬豉一宿明且以瓦盆盛之以一盆覆之蒸五升土下湏土氣通流熟出之於盆中研豉以新布絞取濃汁如棗膏法以和藥擣三千杵頓為丸皆如水中雞頭子大分若數囊中懸合陰乾取燥乃更盛者亟以蠟密封其際

勿令見風塵此藥以三九為二劑平且以井花水服一劑盡服一劑暮服一劑皆以水服之初服寧少食當舖食水飧欲服藥若食飲消腹中調和者日可一服若已瘥者二三日可一服消息以意若病重藥力未行者但益服之日可四五劑或時下不止者當復更增令腹中有藥力飲食消是其效也新服藥未安調當水飧助藥力心中了然服後可作羹臠但當冷食之耳若有時不喜冷食者正是藥力盡耳復益服藥至一宿許則復欲進冷也若欲不復藥者但稍溫食藥力自盡矣服藥不必強多飲水也自隨體調耳久下虛服之如法禁葷食生魚猪肉蒜生菜酒綠酒發藥力令病者煩熱也又

千金方 卷四十一
禁辛物及諸肥膩難消物皆勿食也若有風病加防風一兩
人虛羸可加石斛一兩若宿有下痢腸胃損弱者可加太一
餘糧二兩半取石中黃軟香者若婦人產後疾加石硫黃一
兩小便黃赤不利加蒲黃一兩依方消息之無不得效也
云舊有五石赤石脂白石石英鍾乳礬石并禹餘糧各四兩常以二月合之
下痢熱諸治不瘥方

烏梅一分

黃蓮 一分 金色者

右二味為末蜜和服如梧子二十九日三夜二神妙方
治積久二三十年常下痢神方
赤松皮去上蒼皮切一斗為散麩粥和一分服之日三服

瘥不過服一斗永瘥三十年痢服之百日瘥

苦參 橘皮 獨活 阿膠 藍青

黃連

鬼臼

一作鬼箭羽

黃蘗

甘草

右九味等分為末以蜜烱膠和併手丸之如梧子候乾飲服
十九日三後稍加空下注痢者大良

治諸熱毒下黃汁赤如爛血滯如魚腦腹痛壯熱方

黃蘗 黃芩 升麻 石榴皮 各六分
艾葉二分 白頭翁 寄生 當歸 牡蠣
犀角 甘草 各一兩 黃連 二兩

右十二味咬咀以水六升煮取三升分三服
龍骨丸治下血痢腹痛方

龍骨

龍膽

羚羊角

當歸

附子

乾薑

黃連各三
十銖

赤石脂

礬石

各一兩半

犀角

甘草

熟艾各十
八銖

十九

右十二味為末蜜和丸如小豆先食服十五丸日三加至三十丸

又方牛角鯁

當歸

龍骨

乾薑

熟艾各三兩

附子

黃蘗

赤石脂

芎藭

阿膠

厚朴

甘草

橘皮

石榴皮

芍藥各二兩

大棗

二十枚

黃連

升麻

一兩

蜀椒

一兩

右十九味咬咀以水一斗三升煮取四升去滓內牛角鯁末

阿膠消以綿絞去滓分七服日四夜三千金翼無橘皮

治血痢方

蒲黃

三合

乾地黄

桑耳

甘草

芒硝

茯苓

人參

栝葉

阿膠

艾葉

生薑

各二兩

禹餘糧

黃連

各一兩

赤石脂

五分

右十四味咬咀以水一斗煮取四升分五服温神效

治下雜血方

乾藍

犀角

地榆

各一兩

蜜

二合

按服温字倒

右四味咬咀以水五升煮取一升半去滓下蜜煎取五合分三服此治熱毒蠱妙

治熱毒下黑血五內絞切痛日夜百行氣絕欲死方

黃連一升 龍骨 白朮各二兩 阿膠 乾薑 當歸 赤石脂各三兩 附子一兩

右八味咬咀以水一斗煮取五升分五服余以正觀三年七月十二日忽得此熱毒痢至十五日命將欲絕處此方藥八日即定

治下血日夜七八十行方

黃連 黃蘗各半兩

右二味咬咀淳酢三升煮取一升半分再服
白頭翁湯治赤滯下血連月不瘥方

白頭翁 厚朴 阿膠 黃連

秦皮 附子 黃蘗 茯苓

芍藥各二兩 乾薑 當歸 赤石脂

甘草 龍骨各三兩 大棗三十枚 粳米一升

右十六味咬咀以水一斗二升先煮米令熟出米內藥煮取三升分四服

治下赤連年方

地榆 鼠尾草各一升

右二味咬咀以水二升煮取一升分二服如不止取屋塵水
漬去滓一升分二服古今錄驗方云服之屋塵汁一小盃

又方秦皮如無用穉鼠尾草 薔薇根

右三味等分咬咀以水淹煎去滓銅器重釜煎成丸如梧子
大服五六丸日三稍增瘥止亦可濃汁服半升

治大熱毒純血痢不可瘥者方

黃連六兩咬咀以水七升煮取二升半夜露著星月下旦
起空腹頓服之臥將息即止不瘥加黃芩二兩更作服之
仍不瘥者以瘧痢法治之

治熱痢水穀方

黃連各三 阿膠兩 黃蘗一 烏梅四十 梔子三十

右五味咬咀以水五升煮取二升半分三服亦治霍亂神良
治下痢絞痛腸滑不可瘥方

黃連六 阿膠 鼠尾草 當歸 乾薑各二兩

右五味咬咀若大冷白多以清酒一斗煮取三升分三服若
熱及不痛者去乾薑當歸以水煮之

茯苓湯治困下空竭欲死滯下濃血日數十行羸篤垂死老少
並宜服方

茯苓 黃蘗 黃連 龍骨 人參
乾薑 黃芩 桂心 芍藥 當歸

梔子仁 甘草各半 赤石脂兩一 大棗十二
右十四味，以水五升，煮取二升，分再服，不瘥滿，三劑。此方主風虛冷痢，最佳。

治冷熱不調，或水或膿，或五色血者，方。

酢石榴五枚，合殼子，搗絞取二升，汁服，五合，瘥止。

溫脾湯治下久赤白，連年不止，及霍亂脾胃冷實不消，方。

大黃兩四 人參 甘草 乾薑各二 附子一枚
大者

右五味，以水八升，煮取二升半，分三服，臨熟下大黃，與後溫脾湯小異，須大轉瀉者，當用此方，神效。

黃連湯治赤白痢方

黃連 黃蘗 乾薑 石榴皮

阿膠各二 當歸 甘草兩一

右七味，以水七升，煮取三升，分三服。

女萎圓治熱病時氣下赤白痢，遂成膿，方。亦名雲實丸。

女萎 藜蘆各三分 烏頭 桂心各四分

黃連 雲實各二分 代赭一分

右七味，為末，蜜丸，如梧子大，服二九，大下痢，宿勿食，清旦以冷水服之，勿飲食，至日中過後，乃飲食，若得藥力，明且更服。如箭亦可，長服，虛羸晝夜百行膿血亦瘥。聖湯治下赤白痢，太孔蟲生，悉皆瘥，方。

鼠尾草兩 豉一升 梔子仁 生薑各六兩 桃皮一握

右五味攷咀以水七升煮取二升半分三服一本單用桃皮

以酒煮服之

治赤白滯下方

清酒五合 成煎猪膏三合

右二味緩火煎十沸適寒溫頓服之取瘥止

又方酒四升煮錢四十文取二升分二服

又方亂髮雞子大燒末水服不過三服

灸法

泄痢食不消不作肌膚灸脾膈隨年壯

泄注五痢便膿血重下腹痛灸小腸膈百壯

泄痢久下失氣勞冷灸下腰百壯三報穴在八魁正中央脊骨

上灸數多尤佳三宗骨是忌針

泄痢不禁小腹絞痛灸丹田百壯三報穴在臍下二寸針入五分

泄痢不嗜食雖食不消灸長谷五十壯三報穴在掖臍相去五

寸一名循際

泄痢赤白漏灸足太陰五十壯三報

又泄痢百治不差灸足陽明下一寸高骨上陷中去太指岐

寸隨年壯

又屈下量正當兩膝脊上點訖下量一寸點兩傍各一寸復下

量一寸當脊上合三處一灸三十壯灸百壯以上一切痢皆斷
亦治濕蠱冷脊上當膈點處不灸
又灸臍中稍稍二三百壯
又灸關元三百壯十日灸并治冷痢腹痛在臍下三寸
赤白下灸窮骨以灸數多為佳

孫真人備急千金要方卷之四十九

孫真人備急千金要方卷之五十
脾臟方
宋朝奉即守太常少卿充秘閣校理林億等校正

冷痢第八論一首
論曰舊治痢於貴勝用建脾丸多效今治積久冷痢先以溫脾湯下訖後以建脾丸補之未有不效者貧家難以克辦亦無可將息也溫脾湯治積久冷熱白赤痢者方

大黃 桂心 附子 乾薑 人參
右五味以水七升煮取二升半分三服
建脾圓治虛勞羸瘦身體重脾胃冷飲食不消雷鳴腹脹泄痢

不止方

鍾乳粉三兩 赤石脂

好翹

大麥蘖

當歸

黃連

人參

細辛

龍骨

乾薑

茯苓

石斛

桂心各三兩

附子一兩

蜀椒六兩

右十五味為末白蜜丸如梧子酒服十九日三加至二十九

弱者飲服此方通治男女集驗無細辛

增損建脾圓治丈夫虛勞五臟六腑傷敗受冷初作滯下又則

變五色赤黑如爛腸極臭穢者方

鍾乳粉

赤石脂三兩

礬石一兩 用礬石乾薑

茯苓

桂心

石斛

五味子

澤瀉

遠志

寄生

栢子仁

人參

白頭翁

天雄

當歸

石榴皮

牡蠣

龍骨

甘草各二兩

右二十味為末蜜丸酒服二十九日三加至四十九丸此二方

止痢神驗

○ 駐車圓治太冷洞痢腸滑下赤白如魚腦日夜無節度腹痛不

可堪忍者方

黃連六兩

乾薑二兩

當歸

阿膠各三兩

右四味為末以大酢八合煨膠和之并手丸如大豆許候乾

大人飲服三十九小兒百日以還三九暮年者五九餘以意

加減日三服

大桃花湯治冷白滯痢腹痛方

赤石脂

乾薑

當歸

龍骨各三兩

牡蠣三兩

附子二兩

白朮一升

人參一兩

甘草

芍藥各一兩

右十味以水一斗二升煮米取九升內諸藥煮取三升分三服膿者加厚朴三兩嘔者加橘皮三兩

又方

龍骨六兩

厚朴

當歸各三兩

赤石脂五兩

右四味以水七升煮取三升半分三服熱加白頭翁二兩半牡蠣三兩

桃花圓治下冷臍下攪痛方

乾薑

赤石脂各十兩

右二味蜜丸如豌豆服十九日三服加至二十九

倉米湯治小腹痛冷氣積聚結成冷痢日夜三四十行方

倉粳米半升淨

薤白一握去青切細

羊脂一升

香豉三升以水一斗煎取五升澄清

右四味先以羊脂煎薤白令黃并米內豉汁中煎取四升且空腹溫服一升如行十里又更進一升得快利止若利不止更服如前利後進粳米粥豉若復作更服一劑永瘥附子湯治暴下積白不往及久痢方

附子一枚

石榴皮具一

阿膠兩二

龍骨

甘草

芍藥

乾薑

黃連各一兩

黃芩兩半

粳米三合

右十味以水八升煮取三升分三服

治卒下痢湯方

黃連兩五

生薑斤一

右二味以水五升煮取一升頓服未止更合服必效

治火冷痢下純白者由積臥冷處經久病發遂令脾胃俱冷日

夜五六十行大小腹痛不可忍凡白痢屬冷赤痢屬熱方

好麴末五升微熬令香溫清醇酒令熟和麴末一升空頓

服之日三服若至食時擣蒜一升令至熟下薑椒末調和

如常食之法惟須稠勿加鹽以水和麴二升作饅餅極爛

煮之乾漉熟內蒜薑白中相和一頓食之少與餘食至饑

時仍準前食麴末酒比至瘥來少食餘食以此法治不過

兩日無有不瘥

治火冷或痢不痢間但腰腹患苦冷方

上等新蜀椒叁升用醋宿漬之以麴叁升和椒壹升緊拌

煮作粥空腹頓服之加葱豉鹽任性調和不瘥更作以瘥

為限不過叁升椒即愈此方不但治冷大治諸虛損冷極

有所益又當自知耳

馬藺子圓治積冷痢下白膿方

馬藺子一升附子二兩乾薑八兩甘草各二兩半神麴二兩

麥藥二兩阿膠各五兩黃連三兩蜀椒五兩

右九味為末蜜丸如梧子服二十九日二以知為度或作散

酒調服方寸匕亦佳

厚朴湯治參拾年久痢不止方

厚朴二兩乾薑二兩阿膠各二兩黃連伍兩石榴皮二兩

艾葉各三兩

右陸味以咀以水七升煮取二升分再服

肆續圓治參拾年注痢骨立痿黃腸滑不瘥方一名蠟煎丸

雲寶五合龍骨三兩附子二兩女萎各二兩白朮二兩

右五味為末以蠟煎烱用丸藥如梧子大服五九日二不過

伍陸服瘥

椒艾圓治三拾年下痢所食之物皆不消化或青或黃四肢沉

重起即眩倒骨肉消盡兩足逆冷腹中熱苦筋轉起止須扶陰

冷無字方

蜀椒三百枚烏梅二百枚熟艾一升乾薑三兩赤石脂二兩

右伍味椒薑艾下篩梅著壹斗米下蒸令熟飯去核內薑椒

末合搗三千杵蜜和丸如梧子服十九日二服不瘥加至二

十九加黃連一升

下痢圓治數十年痢下氣消穀令人能食夏月長將服之不霍亂方

大麥蘖 法麴各一升 烏梅半三升 附子 乾薑

黃連 黃蘖 桂心各三兩 蜀椒半兩 吳茱萸四兩

右十味為末蜜和丸如梧子食後服十九日二加至二十九

三食三服亦可至四十九

麥蘖圓治數十年下痢不止消穀下氣補虛羸方

大麥蘖 好麴各一升 附子 當歸 桂心各二兩

吳茱萸四兩 蜀椒一兩 黃連 烏梅肉 乾薑各四兩

右十味為末蜜丸如梧子食後服二十九日三

烏梅圓治久痢諸藥不瘥數十年者消穀下氣補虛方

烏梅肉 黃連 乾薑 吳茱萸各四兩 桂心二兩

當歸三兩 蜀椒一兩

右七味為末蜜丸如梧子食後服十九日三

又方治冷痢久下方

烏梅二百枚 乾薑 黃連各十兩 當歸 蜀椒各四兩

細辛 附子 桂心 人參 黃蘖各六兩 方用麥蘖

右拾味為末以苦酒漬烏梅壹宿去核蒸伍升米下別搗如泥盤中攪令相得蜜和搗二千杵丸如梧子食前服十九日

三服稍增至二十九

七味散治痢下久不瘥神驗方

黃連分八 龍骨 赤石脂 厚朴 烏梅肉各二分

甘草分一 阿膠分三

右治下餓漿水服貳方寸七日貳小兒壹錢匕

猪肝圓治下痢腸滑飲食及服藥俱完出者方

猪肝一斤 黃連 烏梅肉 阿膠各二分 胡粉七菴

右五味為末蜜丸如梧子酒服二十九日三亦可散服方寸

七

羊脂煎大治諸久痢不瘥方

羊脂一菴 白蠟兩菴 黃連末一升 酢七合煎 蜜七合煎

烏梅肉二兩 亂髮灰洗去垢

右七味合內銅器中湯上煎之攪可丸飲服如梧子大三十

十九日三菴子大小如方寸七

又方

羊脂 阿膠 蠟各二分 黍米二升

右四味合煮作粥一服令盡即瘥

治大下後腹中空竭胸中虛滿不下食方

芍藥 甘草 半夏各一兩 厚朴 當歸

桂心各三兩 生薑五兩

右七味以水八升煮取三升分三服服三劑最佳

千金方 卷五十一 七

治下痢心胸滿不快腹中雷鳴或嘔吐方

黃連兩五 橘皮 甘草各二兩 龍骨 生薑

半夏各三兩 人參一兩 大棗十五枚

右八味㕮咀以水一斗先煮一大沸乃內藥煮取三升分四服并妊娠良

斷痢湯治心胸下伏水方

半夏一升 生薑五兩 茯苓 甘草 龍骨各二兩

附子兩一 人參 黃連各三兩 大棗十二枚

右九味㕮咀以水八升煮取三升分三服

香蘇湯治下後煩氣暴上方

生蘇一把冬用 香豉五兩

右二味以水五升煮取二升頓服之

瀉心湯治卒大下痢熱唇乾口燥嘔逆引飲方

人參 甘草 黃芩 枳實根 橘皮各一兩

黃連二兩 半夏三兩 乾薑一兩半

右八味㕮咀以水六升煮取二升分三服

胡洽云治老小利水穀不化腹中雷鳴心下痞滿乾嘔不安無橘皮括蕒苦寒加附子一枚渴加括蕒一兩嘔加橘皮一兩痛加當歸一兩仲景用大棗十三枚

治夏月暴冷忽壯熱泄痢引飲熱湯斷變通身浮腫或冷下結脈沈細小數方

子金方

卷五十四

十八

帶子三原水

澤瀉一兩 吳茱萸 茯苓 白朮 當歸

桔梗 犀角 青木香 海藻 芍藥

大黃各二兩

右十一味，以水九升，煮取三升，分三服，下後消息五六日許，可與女麴散。

女麴散治痢後虛腫水腫者，服此藥，小便利，得止腫亦消。

女麴一升 乾薑 細辛 椒目 附子

桂心各一兩

右六味，治下節，酒服，方寸匕，不知，加至二三匕，日三服，後虛滿者，太良。

按字音云：離，離，燒，整，也。屢也。俗作磚。

治卒暴冷下下部痠悶方

燒甄合熱大酢沃之，三重布覆，坐上即瘥。

孫真久備急千金要方卷之五十

卷之五十 十七

孫真人備急千金要方卷之五十一
脾臟方論二首
方十首
痔濕痢第九

孫真人備急千金要方卷之五十一

宋朝奉郎守太常少卿充秘閣校理林億等校正

脾臟方論二首
方十首

痔濕痢第九

論曰凡疳濕之病皆由暑月多食肥濃油膩取冷眠睡之所得也禮云君子盛暑之月薄滋味無食肥濃煮餅此時以不利人也養生者宜深戒之不爾多患痔濕痢耳

凡所患處或著口斷咽喉下部痔與月蝕並不痛令人不覺其治用五月五日蝦蟆角蒿救月木寒食淋浞但得壹事單用之燒作灰和臘月猪脂傳之逐手便瘥極須慎口味耳凡疳在慎

鹽醬酥油棗等壹切皆忌惟白飯豉首宿苦苣蕪青不在禁
限凡吹藥入下部沒中指許深即止
治疳濕下黑醫不能治垂死者方

鬪體灰 熏黃 朱砂 青黛 石鹽

丁香 麝香 礬石 梔子 葇荳子

鐵衣 乾薑 破故靴底灰 細辛 乾蝦蟇五月五日

土瓜根 芥子 蜀椒 葶藶 芎藭谷等分

右貳拾味治下節以竹筒吹杏人大著大孔中所有患疳瘡
上悉傳之其丁香麝香別研擣著藥中合之壹方有寒石泚
淀枚月水楸葉為貳拾參味若大者用灌方如左

麝香 丁香 甘草 犀角各二分

右肆味治下節合和以鹽三合蜀椒三合豉二合以水二升
煮取二升去滓內四味散合和分作二分灌大孔且一灌而
一灌之凡夕下一月不瘥成疳候木孔必寬者是以此主之

八物茜根湯凡下血者是蠱也以此主之方見蠱篇中
治疳濕久下痢赤白百療不瘥者方

免頭骨 蛇頭 蒜薹子 故緋並 葶藶子

狸骨一作狐骨 蜣蜋 百草五月五日收者 倒掛草 青黛

晚蠶蛾 青礬 丁香 蝎蟲屎 牀中枕木

麝香 若參 黃蘗 乾薑 角蒿

朱砂 印色鹽 救月木 桂心 鐵衣

薜消 蝦蟇 黃礬 荏子各等分

右二十九味治下篩以筒子內下部吹著日三二度妙

治疝濕不能食身重心熱脚冷百節痛疼方

黃芩 芍藥 苦參 甘草 當歸

蜀椒 井松一作青黛 重黃 豉各二兩

東引桃根 葱白握各一鹽合 麝香半分 猪膽二枚

右十五味吹咀以冰一斗八升煮取四升分為二分二度灌

一分湯如人體然後著麝香猪膽一枚即灌灌了作葱豉粥

食之後日更將一分如前灌之七日忌生冷毒物等但是油

臙醬乳醋三十日忌之大佳

治海蝕人諸處但是赤血刺久不瘥立著即瘥秘方

乾蝦蟇五月五日收者一作人尿灰髮灰 金銀土塢各五兩

麝香一分 銀末小豆許

右五味治下篩傳瘡上即瘥三七日忌如前刺者吹下部

治疝刺不止方

苦參 甘草 熏黃各二兩 豉一升 葱白五莖

蜀椒三十粒

右六味以苦參等三物各擣下篩以水五升煮葱白豉椒取

三升以三指撮苦參末等各一撮內汁中冷暖如人體先飲

少許鼓汁食一口飯乃側卧徐徐灌之訖多時卧不出為佳
大急乃出之於淨地當有痔濕蟲如白馬尾狀頭黑是其效
也其重者肛大難瘡當取桃枝綿裹頭用前件汁適寒温烙
之須近脊一上三十度烙之乃瘡神驗
又方崔氏云晋代之地多生痔飲人五藏通見脊骨下濃血手
足煩疼四肢無力夜卧煩躁不安而失血色肩髀疼面及手足
有浮氣或下血乃死治之方

雄黃

青箱各二兩

苦參三兩

礬石

雌黃

鐵衣

藜蘆各一兩

麝香二分

別研

右八味治下飾以竹管内太孔中酸棗許吹內下部中日

不過三度小兒以大豆許此方極救死
又方

大麻子

胡麻各一升半

右二物並整令黃以三升瓦瓶泥表上厚一寸待泥乾內大
麻等令滿以四五枚葦管插口中密泥之掘地作竈倒立竈
口底著瓦器承之密填竈孔中地平聚炭瓶四面著壘壘之
日沒放火燒至明白開取適寒温灌痔濕者下部中壹合尋
覺咽中有藥氣者為佳亦不得過多多則傷人隔日壹灌重
者再叁灌之從旦灌至夕極覺體中乏力勿怪也非但治痔
濕凡百果同瘡疥癬並洗塗之

論曰凡日月蝕時忌食飲腹中生蠱蟲及房室生子不具足必
患月蝕瘡亦不得與兒乳日月生後乃不忌令人口臭齒斷宜
露常有血出舌上生瘡者皆由犯此所致耳日月蝕時須救不
救出行逢暴雨其救月杖須收取治蠱之神藥預備患此者施
之救療

治月蝕惡瘡鼻肉方

硫黃

藺茹

班蝮

各等分

右三味治下篩傳瘡上乾者以猪脂和傳之曰「三夜」

又方

地榆根

薔薇根

吳茱萸根

右三味各三兩治下篩以鹽湯洗瘡傳之曰「三夜」

小兒痢第十

温中湯治小兒夏月積冷洗浴過度及乳母亦將冷洗浴以冷
乳飲兒兒吐熱忽值暴雨涼加之兒下如水胃虛弱則面青肉
冷眼陷乾嘔者宜先與此調其胃氣下即止方

乾薑

厚朴

各一分 當歸

桂心

甘草

人參

茯苓

白朮

桔梗

各二分

右九味咬咀以水貳升煮取玖合陸拾日至百日兒下服二
合半餘皆隨兒大小

經驗大黃湯治小兒暴冷水穀下或乳冷下青結不消或冷實

吐下乾嘔煩悶及冷滯赤白下者良若已服諸利湯去實胃中
虛冷如_下水乾嘔眼陷煩擾不宜利者可除大黃若中乳乳母洗
浴水氣未消飲兒遂為霍亂者但用大黃小兒諸霍亂宜利者
便用大黃不須利宜溫和者除之方

大黃分六 桂心 厚朴 甘草

人參 茯苓 白朮 當歸各二分 桔梗分三

右拾味以水貳升半煮取捌合凡兒參拾日至陸拾日二服
貳合柒拾日至壹百日壹服貳合半貳百日已來一服參合
黃蘗湯治小兒夏月傷暑寒折大熱熱入胃下赤白滯如魚
腦壯熱頭痛身熱手足煩此太陽之氣外傷寒使熱氣便入胃

服此方良若誤以利藥下之或以溫脾湯下之則熱劇以利藥
下之便數去赤汁如爛肉者或下者之不瘥宜以瀝熱藥斷之
下既不止倍增壯熱者服之即效或是溫病熱盛復遇暴寒折
之熱入腹中下血如魚腦者服之良方

黃蘗 黃連 升麻 當歸 白頭翁一作白欬

牡蠣 石榴皮 黃芩 寄生 甘草各二分

犀角 艾葉各一分

右十二味以水三升煮取一升二合百日兒至二百日
一服三合半

治中結腸圓斷冷滯下赤白青色如魚腦脫肛出積白腹痛經

時不斷者方

赤石脂分五 吳茱萸分三 乾薑 附子 當歸

厚朴 白木 木蘭皮 白頭翁 黃連

石榴皮 黃蘗各二分

右十二味為末蜜丸如大豆二歲已服五九三歲已上服十
九十歲已上二十九果半者服少許便瘥積下者盡劑更
合

梔子圓治少小熱痢不止方

梔子七枚 大棗四枚 黃蘗三分 黃連五分

礬石四分

右五味為末蜜丸如小豆大服五九日三夜二服不知稍加
至十九

藜蘆圓治少小泄清痢方

藜蘆二分 黃連三分 附子一分

右三味為末蜜丸如麻子大以粥飲服二九立驗

四物梁米湯治少小泄注方

梁米 稻禾 黍米各二升 蠟如彈丸大

右四味以水五升東向竈煮梁米三沸去滓復以汁煮稻米
三沸去滓復以汁煮黍米三沸去滓以蠟內汁中和之蠟消
取以飲之數試有驗

龍骨湯治少小壯熱渴引飲下痢方

龍骨 甘草 大黃 赤石脂 枳實根

石膏 寒水石 桂心各二兩

右八味治下節以酒水各五合煮散二合二沸去滓量兒大小服之

小服之

大黃湯治少小下痢若熱不食傷飽不乳方

大黃 甘草 麥門冬各一兩

右三味以水二升煮取一升二三歲兒分三四服

生金牛黃湯治小兒積下不止因發癰方

生金三銖一方用六銖無生金用熟金亦得法應作屑今方盡成器者 牛黃三銖

麻黃二分 黃連 乾薑 人參 甘草各一分

細辛半分

右八味以水一升六合煮取八合去滓臨服研牛黃以煮湯中嫌兒熱者用生薑代乾薑今世乏生金但用成器金亦善二三兩皆得用之

澤漆菜蕒湯治小兒夏月暴寒寒入胃則暴下如水四肢被寒折折則壯熱經日不除經月許且變通身虛滿腹痛其脉微細服此湯一劑得數漸漸安神方

澤漆 青木黃 海藻各二分 吳茱萸 茯苓 白朮 桔梗 芍藥 當歸各三分 大黃一分

右十味以水四升煮取一升半二百兩至一歲兒一服
二合半一歲已上至二歲一服四

枳實散治少小久痢淋瀝水穀不調形羸不堪大湯藥者宜此
方

枳實二兩治下篩三歲已上飲服方寸匕若兒小以意斟
酌日三服

治少小洞注下痢方

蒺藜子二升擣汁温服以瘥為度

又方取木瓜汁飲之

又方酸石榴燒灰末服半錢七日三

又方炒倉米末飲服
又方狗頭骨燒灰水和服之
又方

羊骨灰 鹿骨灰

右二味竝水和服之隨得一事即用之

又方炒鼓合焦水淋汁服之神驗冷則酒淋服

又方五月五日百草末吹下部

治小兒赤白滯下方

薤白 把一 豉升一

右二味以水三升煮取二升分三服

又方

栢葉

麻子末

各一升

右二味以水五升煮取三沸百日兒每服三合

又方搗榴汁服之

又方牛角鯁灰水和服三方寸七佳

又方燒蜂房灰水和服之

又方

亂髮灰

鹿角灰

右二味等分三歲兒以水和服三錢七日

治小兒赤白痢方

白蘘荷根汁

生地黄汁

各五合

右二味微火上煎一沸服之

單方治同前服生地黄汁一合

又方五月五日蝦蟇灰飲服半錢七

治小兒熱痢方

煮木瓜葉飲之

治小兒冷痢方

蓼葉搗汁量大小與之方作芥菜

又方搗蒜傅兩足下

治小兒暴痢方

小鯽魚一頭燒灰服之亦治木人

又方燒鯉魚骨末服之一方作龍骨

又方赤小豆末酒和塗足下日二度油和亦得

治小兒蠱毒痢方

藍青汁一升二合分為四服

治小兒渴痢方

搗冬瓜汁飲之

孫真人備急千金要方卷之五十一 丙辰冬十二月大戶孟適

治小兒驚風一頭燈灰非之亦治大人
又方驚風骨痛服之一方作龍骨
又方赤小豆煎酒和茶下百三度酒和亦得
治小兒驚風方

豈青汁一升二合分爲四服

按之八分飲之

孫真人備急千金要方卷之五十一丙辰冬十二月大戶孟通

